

معارف ساحه سینده

معارف ساحه سینده ده فرقه بویوک ققدمر گؤتورمگه موفق اولدو. ۱۲ شهریور اعلامیه سینده دیل باره سینده میدانا آتیلان شعارلاری ملی حکومتیمیز همان تشکیلینین اولیندن آرتیق فداکارلیق ایله اجرانتمگه باشلادی. بوتون اداره و مدرسه لریمیزده فقط نوز ملی دیلیمیز رسمی اولراق قبول ندیلدی. بئله بیر فرصتی اوره ک دؤیونتوسو ایله گؤزله ین خلق، حکومتین امرینی جان و دیلیله استقبال نئدی. خلقیمیزین مبارزه اورگانی اولان آذربایجان روزنامه سی دیل و معارف اوغروندا بویوک یارارلیق گؤستردی. اونون صفحه لری شاعرلر و یازچیلاریمیز ایچون گنجیش قلم میدانی اولماقلا یننی یازچی و شاعرلر میدانا چیخب نوزلرینین استعداد و هنرلرینی گؤسترمگه امکان تاپدیلار، مخصوصاً ملی نهضتیمیزین نتیجه سینده یوکسه لن عمومی روحیه شاعر و یازچیلاریمیزا بویوک الهام منبعی اولوب اونلاری یازیب یاراتماغا وادار نئدیگینی قید نتمک لازمدیر. شاعرلریمیزین کنچن شهریوردن ایندیکی شهریوره قدر یازدیقلاری، جرنتله دنمک اولار که، اللی ایل مدتینده یازدیقلاریندان داهادا آرتیق اولا بیلر. بیرده سوز یازینین و شعرین چوخلوغوندا دنیلدیر. شعرین دگری اوندا تجسم ندیلن روحیه ده آرانلییر که، بو جهندن بیر ایلیک ادبیاتیمیز فوق العاده غنی و ثروتلیدیر. سابقه لی شاعرلریمیزدن علی فطرت، اعتماد، محزون، ساهر و سایرلری، دنیه بیله ریک، عمرلرینده یازیب انتشار و نردیکلری شعرلرین مناسبیله او قدر شهرت و حرمت قازانا بیلمه میشلردی که، بو بیر ایلین مدتینده قازانمیشلار. جوان شاعرلریمیز ایسه، دنیه بیله ریک که، نوز شهرت و یارادیجیلیقلارینی فقط ملی نهضتیمیزدن الهام آلمیشلاردیر. آذر اوغلو، علی توده، مدینه گلگون، مظفر درفشی و غیرلری فقط نهضتیمیزین شاعرلری حساب اولونا بیلرلر. بونلارین نهضتدن اول یازدیق لاری اشعار نهضت زمانی یازدیقلاریله

قابل مقایسه بنله اولا بیلمز. بونلارین هامیسیندان علاوه ملی دیلیمیزده میدانا چیخان روزنامه میزدیر. ایندی بیزیم نوز دیلیمیزده ۸ روزنامه چیخیر. بونلاردان علاوه آلیق مجله لریمیزین ده اساسی قویولموشدور. امید ندیریک تنز بیر زماندا اونلاردا نوز انتشارلاریله گوزلریمیزی ایشیقاندیراجاقلار. ادبی جهتن بیر قدر ضعیفلیک وارسادا، اونون پیشاهنگری تک- تک نظره چارپامیش دئیلدیر. بو بیر ایل نهضت زمانیندا فقط آذربایجان روزنامه سینده ۲۵۵ قطعه شعر چاپ ندیمیشدیر که، بو، آذربایجاندا گورونمه میش بیر ایشدیر.

سیاسی مطبوعاتا گلدیگده دنیه بیله ریک که، چوخ بویوک قدملر گوتوره بیلیمیشیک. بو خصوصدا آقای پیشه ورینین سیاسی موضوعلاردا و عمومی ایشلریمیز حقیقده یازدیگی مقاله لرین بویوک تأثیری اولموشدور. آقای پیشه ورینین فارسی دیلینده اولدوغو کیمی، آذربایجان دیلینده ده مخصوص سبکی واردیر. بو سبک فوق العاده ساده و روان اولدوغو قدر ده، حاوی اولدوغو ضرب المثللر، کنایه لر، منطقی جوابلار و اساسلی دلیلرله اوخوجونو دوشوندوردوکه اقتاع نده ر و اونون روحوندا درین بیر تأثیر بوراخماقلا اونا، نه قدر مخالف اولور اولسون، مقاله نی قورتاردیقد، راضی قالمییا بیلمز. بو ایسه بیزیم جوان یازیچیلاریمیزا سرمشق اولموش، یازیمیزین ساده و طبیعی لیگینی تأمین نتمیشدیر. بورادا آقای پیشه ورینین تهران روزنامه لریندن بیرینه و نردیگی دیش سیندیران جوابی نمونه ایچون درج ندیریک.

کتاب منبع سی: شهریورین اون ایکی سی

۱۳۲۴-۱۳۲۵

آذربایجان دموکرات فرقه سینین بیرنجی ایل دونومی مناسبته

مرکزی تبلیغات شعبه سینین نشریه سی

تبریز ۱۳۲۵

تایپ الین: یاشار آذری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N 3XX, UK

ایمل آدرسه: yasharazarri@yahoo.com

نشر کارگری سوسیالیستی نین مسنوله: یاشار آذری

تایپ الین تاریخ: ۱۳۸۵